

mar a li officiali obligati andar a Niza che, in pena de privation de officii loro, tutti li 4 siano in Niza settembre. Io convegno andar per terra et far longa via.

*Di Zuan Negro secretario, da Napoli, a dì 11, ricevute a dì 18.* Son stato col signor vicerè, qual mi ha dito hozi me risponderia, et haver vedè la trata a Ferrara et Bologna per la penuria è in questo regno, nè ha voluto lassar trar al cardinal de Napoli le so intrate, ch' è arziepiscopo di questa città. Scrive li ha dito che a li passati zorni una nave era in l' Abruzo per cargar formenti, li popoli si sublevono et brusò la nave. Scrive de novo, per uno parti da Messina a dì 11, che parti el Doria con galie 26 et 22 nave benissimo in ordine con fanti 5000 suso, quali hebbero una paga avanti montasseno.

192\* *Da Milan, di l' orator, di 14, ricevute a dì 18, da sera.* Per lettere di 5 et 7 dil Panzone secretario di questo signor illustrissimo, da Bada, si ha come reduti a la dieta li oratori di 13 Cantoni a di 29 dil passato, et Bernesi et quei de Basilea et San Gallo satisfati a li Cantoni christiani li soi debiti de spexe fate ne la guera preterita, fate le quietation et reconciliati et confirmati in amicitia, fu proposto da li oratori de Zurich che li loro signori rechiedevano li fosse cassati li 500 ducati che erano debitori a li Cantoni christiani, et quei de Lucerna et Udervalde dicevano voler che li signori de Zurich non punissero li soi che andavano a li officii et udir le messe, et volendo consentir a questo li sariano remessi li ditti danari. È stà tratà la differentia che havea la chiesa de Costanza con lutherani *videlicet* cheli fruti di anni 4 zà seossi restino liberi di la città, et la chiesa rimanga in la possession che era prima, con condition che in vita lasia tenuta donar a lutherani la sua portion, et per questo era li oratori di Argentina et Ulma. È stato a la dieta uno orator dil Serenissimo re de Romani et depositò per lo inanti 900 fiorini apresso de Afotg per satisfar pension de anni 6, et Bernesi, per le lige loro li ha consegnà questi fontegi che al presente con comodità siano dati a Bernesi restituiti però prima li fruti de le chiesie fondate da la caxa de Austria ne la iuridition de Bernesi come feceno Basilea et Zurich, fata la solutione dal Struzel dottor. Li oratori de Grisoni proposero in la dieta in conformità a la renovatione di la liga con il re Christianissimo dicendò se tratava dil suo interesse; ha ordinà sia exborsà una pension, et di le altre se orderà con altri termini. Li oratori francesi in questo tempo non cessorono de operar per haver bona risposta

di le richieste con pratiche secrete; tentono li oratori de le diete a disponerli de conciederli el poter levar fanti; in caso de bisogno è fama che Amano Trogar è diventà tutto francese. Li hanno risposto li oratori de Zurich et Berna che se meraveiava de simil riehista et voler renovar la liga con la christianissima Maestà, cosa insolita perchè la pace se conserverà con Soa Maestà hessendo satisfati i loro erediti, et che nel suo paese non se poteva levar fanti, et chi zercherà el contrario saranno puniti per ribelli, non voleno dar fama a torli, et cussi ussirono di la dieta. Li oratori altri che hanno liga con Soa Maestà risposeno in conformità, dicendo li fosseno observà el promesso. Risposeno li oratori francesi et voler pagar *de praesenti* una pension a tutti, et dil resto *etiam* el re faria presto. Et diti oratori francesi finita la dieta andono a Lucerna per satisfar a li signori de li cinque Cantoni, et andorono a Solidoro per pagar li altri confederati et soi amici; et si darà audientia a le querele pagando li stipendii loro de Napoli. È stà instato per ditti oratori francesi satisfati prima se potrano levar fanti, dolendosi con loro dil caso de la morte dil Maraveia a Milan, dicendo quelli è stà causa de la morte patirano la pena: li hanno risposto non haver comission, ma a la dieta che se farà a di do settembre a loro instantia et spese li dariano risposta. Danno essi francesi speranza a li amici che tra uno mese haverano 800 fanti et li capitani amici de Franza si lassano intender aspettano questo ordine, et il capitano Hans Junchar dice non andarà in Franza ma starà li aspetando el levar de fanti, et cussi fa el capitano Battista da Belinzona et Zuan Jacomo da Lugano: sarà impresa facile, dicono, per la intelligentia ha il re Christianissimo in Italia con quelli non amano la grandezza de Cesare. Hor reduti a Lucerna a la dieta li 5 Cantoni christiani, introno li oratori francesi et ussite fuora el secretario dil duca de Milan preditto, et ne chieseno copia de capitoli di la liga tratano de far col Pontefice et Cesare, et sollicita el levar de fanti, et uno Canton solo, si dice Berna, li ha promesso dar 4000 fanti et con questo mezo de levar li fanti impedir la liga se trata. Scrive esser fama che in Valtolina se faceva fanti contro el Stado de Milan, et fato asaper a Grisoni hanno promesso di provederli et pensano che non sia vero, et l' hanno persuaso a guardarse per il caso dil Meraveia. Fati certi il reverendo Verulano et l' orator Cesareo che in la dieta li oratori francesi haveano promosso il re Christianissimo voler far la impresa de Milan, volendo li signori de Lucerna ei